

Rapport dell'academia romantscha a Sviz

Objekttyp: **Group**

Zeitschrift: **Igl Ischi : organ della Romania (Societat de Students Romontschs)**

Band (Jahr): **28 (1941)**

PDF erstellt am: **17.07.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Rapport

dell' academia romontscha a Sviz

L' academia romontscha al pei dils Mythens e sper la tgina della Confederaziun ei, schegie quieta e modesta en siu cunfar, tuttavia buca ida tiels perdavons. Pli pigns che siu diember ei vegnius, ton pli activs ein ils singuls commembers stai els dus davos onns. Dapi che la scola claustrala a Mustér ha obteniu il dretg de maturitad, prefereschan ils biars de nos giuvens students romontschs de restar sigl agen tschespet; perquei tier nus ina certa digren della quantitad, mo buca della qualitat. Il program dils dus davos onns ei staus: Nus lein cunzun emprender d'enconuscher «nos» umens che han prestau lur caussa, seigi culla plema, ni culla tschontscha, ni cun lur maun activ per il beinstar dil pievel e della tiara. Udend a plidond cun anim e fiug, haiel savens patertgau

«Ord fossa vegnan tschentanners vargai
Cun quels, ch' ein tras la val daditg passai,
Sco viandonts de bun' e schliata luna.»

Gl' ei stau lavurs che corrispundan allas forzas ed al temps che stat en disposiziun; lavurs che dattan perdetga d' ina viva premura e d' ina incom-

paregliabla perseveronza. Dasperas han ils commembers fatg cumin e disputau libramein de caussas grondas e d'impurtonza, mo adina pacificamein e e senza impertinenz. Perfin il novellist ha destadau las persunas de sia fantasia cun lur urdadiras e smanis, ha leventau ils sperts selvadis giufuns il lag alpin. Buca d'emblidar lavur manedla che suera bein empau de scola, mo ch'ei nuotatonmeins necessaria, las uras de grammatica sco era il declamar e recitar poesias.

Da temps en temps dat nies vegl protectur Sur prof. e can. Augustin Giger in stausch al carr, ch'el va cun in slontsch aunc vi el quart decenni della academia. Egl onn de scola 1939/40 ha Guido Caluori ed egl onn vargau Giusep Camathias empalau cun inschign las radunonzas.

A tuts collaboraturs ed amitgs dell'academia in bien engraziament!

Sur Benedetg Giger, protectur